

中華民國七十六年六月臺一版

清詩話訪佚編

(七)

精裝一冊基價 一二・〇元正

版權



所有

主編者：杜松

發行人：高本釗

發行所及：新文豐出版公司

公司：臺北市雙園街九十六號
電話：三〇六〇七五七・三〇八八六二四
門市部：臺北市羅斯福路一段二十號八樓
電話：三四一五二九三・三四一五二九四
臺北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號

清詩話訪佚初編

(七)



射鷹樓詩話 十二卷

清林昌彝輯

〇〇〇一〇五一四

射鷹樓詩話

射鷹樓詩話

清林昌彝輯，共十二卷。昌彝字惠常，福建侯官人，生平不詳，其門弟子沈葆禎射鷹樓詩話例言云：「夫子竭十餘年搜輯之功，編詩話既成，庚子至庚戌，六上公車，皆攜帶行篋，庚戌會試，嘗命葆禎爲立凡例。」是則昌彝乃道光、咸豐之際，困於場屋，而以孝廉終身者矣。著有三禮通釋，小石渠經說，溫經日記，說文二徐本辨僞諸書。時人比之顧亭林、朱彝尊焉。

昌彝有繪射鷹驅狼圖，又繪射鷹圖手卷，時因鴉片流毒，中英因之交戰而我受辱，益以天主教東來，洋華教徒，恃洋凌弱，故銜憤而出此。鷹者，英吉利也，既以名其樓，復以顏其詩話焉。其書前三卷多傷時感事之記，蓋傷外夷之入侵、鴉片之流毒，教士之亂俗，然敘說必多及於詩，仍未乖體例也。其評論各家詩話，辨析論詩之言，皆娓娓可從，且不落前人窠臼，可見其學養與識斷矣。沈葆禎云：「詩話詳於射鷹，而有關風化者次及之，論詩又次及之，採師友詩又次及之，非如全閩詩話之例，一人不遺，故集中於閩省諸家詩，不能遍採，惟舉其所知而已。」可見全書之大要矣。

射鷹樓詩話 目錄

序	〇〇五
例言	〇〇九
參閱	〇一五
卷一	〇一九
卷二	〇五七
卷三	〇九三
卷四	一二九
卷五	一八一
卷六	二一七
卷七	二六一
卷八	二九七
卷九	三五十一

卷一〇	三	八七
卷一一	四	二三
卷一二	四	五九

序

閩中林薌谿孝廉以沈博絕麗之才爲經天緯地之學庚戌夏余從都下識孝廉於葉潤臣內翰座中內翰謂余曰林君學博詞雄今之顧亭林朱竹垞也嗣讀孝廉所著三禮通釋二百餘卷及小石渠經說溫經日記說文二徐本辨譌諸書精深博奧殫見洽聞近世罕有其匹道州何子貞先生孝廉座主也嘗謂孝廉書從三禮辨途如輿乃以貫通諸經近日說經之士治禮者無孝廉之精且博也真知言哉及仲夏南歸余與孝廉同行孝廉出其詩藁授余讀風骨沈雄氣韻逸秀足以繼響開寶諸公孝廉立品端方留心時務而胸懷爽朗每談海氛事卽激昂慷慨幾欲拔劍起舞著有平逆志四卷及平夷十六策切於時務誠經國之大業不朽之盛

事也英逆爲人神所共憤則孝廉之書必有以紓其蘊抱矣
又以餘事著射鷹樓詩話孝廉家福州省垣與烏石山相密
邇山爲厲鷹所穴孝廉蒿目時艱故繪射鷹圖以見志其詩
話前數卷多詳時務嗚呼此張九齡之金

小鄭俠之流民

圖可以見諸施行不得勵以世之詩記目之才卷附錄朱侍

御新鐃歌四十九章此江漢常武之詩蒸蒸乎治平之象焉
按詩話之例大旨有四一則志在射鷹故前數卷記海口事
不憚再四言之次則借詩以正風俗意在維持風化其用心
亦良苦矣又次則主於論詩一歸正始懼騷雅之不作恐風
月之銷沈孝廉於近代詩話極推朱竹垞潘四農二家謂竹
垞搜羅極博四農論斷極精余謂竹垞詩話專記有明一代
掌故不如孝廉詩話上下古今所論甚大四農詩話論詩專

取質實二字且於古今詩人勵推子建淵明少陵三人而已
此尙宥於見解孝廉所見極博所解極精淹洽同於竹垞而
特識高於四農故可貴也又次則專重師友淵源孝廉交遊
遍海內凡平日論交所及其於生平師友之片詞隻字皆悉
錄之此孝廉所著詩話之大畧也余與孝廉同行五十餘日
計程四千餘里孝廉舟車之中手不釋卷至四鼓就寢枕上
猶暢談經史或詩古文詞疊疊不倦孝廉解經及史博及萬
卷多聞所未聞余悉記之於楮名曰司舟異聞錄孝廉愛余
詩及文既采余文入近代十二家文鈔矣不余詩入詩話
且使予爲之序訓不敏感深知已其奚敢以不文辭因舉其
瑩瑩大者以告併世學者讀孝廉之書者咸豐元年正月試
燈節粵東長樂伊初愚弟溫訓頓首拜序於嶺南梧谿石屋

射鷹樓詩話例言

夫子詩話之作意在射鷹非同世之泛泛詩話也故集中前二卷專言時務末卷以饒歌結之其用意深哉

凡詩話中諸家有逸事可傳者則爲詩傳以表之非好爲煩重也寓詩鈔小傳之意云爾

朱竹垞靜志居詩話多載勝國遺事不厭煩言可備掌故集中長篇備載逸事多暢所欲言用竹垞詩話之例耳不得拘於文之繁簡也

他人詩話多論詩而已夫子詩話所包甚凡有關於風化

者無不痛切言之此扶世翼教之書不得僅以詩話目之夫子別採海內詩人及師友交遊之詩名敦舊集嘉慶道光二朝搜羅頗稱詳備以書至八十卷一時難於付板故詩

話於諸家集中佳篇多者必重疊採之恐其湮沒不彰也
詩話中多維持世教有關人心世道之言如蕭山毛西河攻
擊朱晦翁不遺餘力而西河立品末端鄞全紹衣先生發
之今詳採鮎埼亭外集西河別傳以覘平日行止證
其言之不足據非好爲鈔胥也不如此不足以徵西河之
妄或疑採取太煩此卑識淺見井蛙窺天蜉蝣撼樹耳不
足責也

曲端事採全紹衣文集亦此例

吾閩通志關一省文獻豈容敗於垂成詩話於通志一條凡
福建舊續通志之例及新纂志之例駁辨詳明博而且精
言之有物非胸羅萬卷者不能道其隻字其有關於全閩
掌故者非淺鮮也於吾道亦大有功焉

先母舅林文忠公與夫子相知最深其平日禦夷之法與夫

子論之亦最詳盡文忠公嘗謂人曰吾宗薈谿孝廉留心時務平夷之策可以見諸施行

夫子深於經學著書滿家其所爲詩古文詞雄厚槃深入古賢之室詩話中自時務以及論詩無所不有其所載有關風化之言非等於頭巾腐氣也

集中所載諸大家詩皆足雄視一代或祇長一體或兼長各體必重疊採之或惟登某題或僅採名句視其人本集刻與未刻傳與不傳耳

夫子論詩極精詩話中多補前人所未及其於嚴滄浪詩有別才非關學一語必力辨之恐不讀書者以滄浪詩話爲藉口也

詩話詳於射鷹而有關風化者次及之論詩又次及之採師

友詩又次及之非如全閩詩話之例一人不遺故集中於閩省諸家詩不能遍採惟舉其所知而已

集中所論射鷹而外如邪教及花會之貽害人心必痛切言之守土者能於花會治法依說行之直救世之良法也

集中論老蘇辨奸論非由賦詩起豐論大蘇修暑悞服黃芪粥皆眼高於頂非見地獨明者不能道

夫子通乎陰陽五行之理博聞廣識集中凡豪猪之辟毒鳳蕉之辟火方書之辟怪鳴皆詳載其法其有益於人者不少也

所採之詩多合三百騷選之旨漢魏盛唐之遺凡五七古五七律五七絕有佳篇未刊者多全載之以爲敦舊集之嚆矢焉耳

夫子竭十餘年搜輯之功編詩話既成庚子至庚戌

六上公車皆攜帶行篋庚戌會試嘗命

葆楨

爲立凡

例

葆楨

駑駘下質焉敢參論次之末惟受教有年不

敢固辭今春復錄副墨郵札京師時

葆楨

備員史局

公餘下直謹就箸書大旨詳其本末至於集中名言

莊論妙語解頤讀者自悉之不能細述也時咸豐元

年春仲

受業沈葆楨謹識

